

Datum Romae apud S. Petrum sub Anulo Piscatoris die 24. Decembris 1655. Pontificatus nostri Anno I.

LXII.

Ex Regest. in Secret. Breve

Committit Nuncio Poloniae, ut compellat Ecclesiasticos ad tradendum Archiepiscopos Gnesnens., & Leopoliens., ac Episcopos Luceorien. aurea, & argentea, utensilia Ecclesiarum, & Locorum Piorum, ut consentiant, & inde nummi curant tradendi in subsidium Regis Poloniae pro recuperatione Regni.

Ven. Fratris Petro Episcopo Iauden. nostro, & Apostolicae Sedis apud Gharissimum in Christo Filium nostrum Joannem Casimirum Poloniae, & Sveciae Regem Illustris Nuncio.

ALEXANDER PAPA VII.

Ven. Frater salutem, & Apostolicam benedictionem.

Committit Nuncio Poloniae, ut compellat ecclesiasticos ad tradendum subsidium subdito Regi Poloniae pro recuperatione Regni.

§.1. CUM, sicut accepimus, ad restituendum Moscorum, & Svecorum Catholicam Fidei hostium armis, qui majorem Poloniae partem cum ingenti Religionis Orthodoxae detrimento occuparunt, ararii Regii vires, & Laicorum ejusdem Regni facultates minime sufficiant, Ecclesiasticae vero personae Regni hujusmodi bonis, & redditibus ab iisdem Moscis, & Svecis spoliatae eo angustiarum redacta sint, ut nihil, aut parum in communem causam contribuere possint. Nos considerantes ea in re non minus Dei, cuius Templum, & Sacra violantur, & cultus cessat, ac Ministrorum eius, quam charissimi in Christo Filii nostri Joannis Casimiri Poloniae, & Sveciae Regis Illustris possessione Regni violenter, & iniuste exuti causam agi quaecumque alia promptiori ratione in tam urgente, & evidenti necessitate eidem Joanni Casimiro Regi pro recuperatione Regni praedicti, ac Haereticorum inde expulsionem subveniendum censemus: motu itaque proprio, & ex certa scientia nostra, deque Apostolicae potestatis plenitudine, fraternitati tuae per praesentes committimus, & mandamus, ut omnes, & singulos Archiepiscopos, Episcopos, Capitula, Canonicos, & Ecclesiarum, ac Locorum piorum quorumlibet Rectores, & Administratores, caeterasque personas Ecclesiasticas Regni praedicti, tam seculares, quam cujusvis Ordinis, Congregationis, & Instituti, ac etiam Societatis Jesu, & Militarium, etiam Hospitalis Sancti Joannis Hierosolymitani regulares ad tradendum, & consignandum Ven. Fratribus Gnesnens., & Leopoliens., Archiepiscopis, ac Episcopo Luceorien., aut duobus saltem ex illis quaecumque, & qualicumque aurea, & argentea Ecclesiarum, & locorum piorum hujusmodi vasa, cande-

labra, cruces, thuribula, & alia utensilia five intra fines Regni praedicti five extra illos ubicumque gentium, & locorum existant (calicibus, & patenis, ac aliis sacra unctione delibutis dumtaxat exceptis) ut illa constari, & in nummos praedicto Joanni Casimiro Regi, seu ejus ministris consignandos, & in praedictam causam dumtaxat expendendos cudi possint, data securiori, quae poterit cautione de restituendis quamprimum facultas suppetet Ecclesiis, & locis piis hujusmodi aliis utensilibus aureis, & argenteis ejusdem ponderis, valoris, & qualitatis, Apostolica nostra auctoritate, opportunitis juris, & facti remediis etiam per censuras Ecclesiasticas omni, & quaecumque appellatione, recursum, reclamatione, & exceptione remotis cogas, & compellas, super quibus tibi quaecumque necessariam, & opportunam facultatem tribuimus, & impertimur.

Contrariis derogat.

§.2. Non obstantibus Apostolicis, ac in universalibus, provincialibusque, & synodalibus Conciliis editis generalibus, vel specialibus Constitutionibus, & Ordinationibus, necnon quorumcumque Ecclesiarum, & Locorum Piorum, ac Ordinum, Congregationum, Societatis, Militarium, & Hospitalium praedictorum, & quibusvis aliis etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis eidem Ecclesiis, & Locis Piis, ac Ordinibus, Congregationibus, Societati, Militariis, & Hospitali praedictis, illorumque Praefulis, Capitulis, Abbatibus, & aliis Superioribus, ac personis quibuslibet sub quibuscumque tenoribus, & formis, ac cum quibusvis etiam derogatoriis derogationibus, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie in contrarium praemissorum quomodolibet concessis, confirmatis, & innovatis. Quibus omnibus, & singulis, etiam si pro sufficienti illorum derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quaevis alia expressio facienda, aut aliqua alia exquisita forma ad hoc servanda foret, illorum omnium, & singulorum tenores praesentibus, acsi de verbo ad verbum, ac forma in illis tradita servata exprimerentur, & infererentur pro plene, & sufficienter expressis, & insertis habentes, illis alias in suo robore permanens, ad praemissorum effectum, hac vice dumtaxat specialiter, & expresse derogamus, caeterisque contrariis quibuscumque.

§.3. Aut si praedictis, & quibuslibet aliis sit a Sede Apostolica communiter, aut divisim indultum, quod excommunicari, suspendi, & interdici non possint per Litteras Apostolicas non facientes plenam, & expressam, ac de verbo ad verbum, de indulto hujusmodi mentionem.

Da-

Datum Romae apud Sanctum Petrum, sub Anulo Piscatoris, die 1. Januar. 1656. Pontificatus nostri Anno I.

LXIII.

Ex Regest. in Secret. Breve

Mandat Archipresbytero, & Capitulo Basilicae Sancti Petri de Urbe, ut si, & quando a Regina Sveciae fuerint requisiti, deferant Vultum Sanctum, & Sacram. Lanceam usque ad foras, per quas e dicta Basilica datur accessus ad Tabernacula, ubi collocata sunt, & illi ostendant.

Dilecto Filio Archipresbytero, ac Capitulo, & Canonicis Basilicae Principis Apostolorum de Urbe.

ALEXANDER PAPA VII.

Dilecte fili salutem, & Apostolicam benedictionem.

Concedit Reginae Sveciae, Vultum Sanctum, & Sacram. Lanceam ad se deferri.

§. Sic.

§.1. UT charissima in Christo filia nostra Christina Sveciae Regina Illustris Sudarium Sanctae Veronicae, cui impressa est Imago Vultus Domini nostri Jesu Christi Vultum Sanctum vulgo nuncupatum, necnon Lanceam, qua Latus ejusdem Domini nostri Jesu Christi in Cruce pendens apertum fuit, pro sua devotione, cominus aspicere, & venerari valeat, vobis praesentium serie mandamus, quatenus si, & quando a praedicta Christina Regina super hoc fueritis requisiti, Sudarium, seu Vultum Sanctum, & Lanceam hujusmodi, quae in Basilica Principis Apostolorum de Urbe aservantur, & Tabernaculo, seu Tabernaculis, ubi nunc reperiuntur collocata usque ad fores, per quas e Basilica praedicta ad odeum, in quo Tabernaculum, seu Tabernacula hujusmodi existunt, datur accessus, cum debitis honore, & reverentia deferri curetis, ac eidem Christinae Reginae ostendatis.

Derogatio contrariorum

§.2. Non obstantibus Constitutionibus, & Ordinationibus Apostolicis, necnon dictae Basilicae, etiam juramento, confirmatione Apostolica, vel quavis firmitate alia roboratis statutis, & consuetudinibus, caeterisque contrariis quibuscumque.

Dat. die 3. Jan. 1656. An.L.

Datum Romae apud S. Petrum, sub Anulo Piscatoris, die 3. Januarii 1656. Pontificatus nostri Anno I.

LXIV.

Ex Regest. in Secret. Breve

Licentia pro Christina Regina Sveciae ingrediendi quoties voluerit Cryptas, Cappellas, & alia Loca Sacra quaecumque in Urbe existentia.

Charissima in Christo filia nostra Christina Sveciae Regina Illustris.

ALEXANDER PAPA VII.

Charissima in Christo filia nostra salutem, & apostolicam benedictionem.

Dat. facultatem Reginae Sveciae ingre-

§.1. EXimia Majestatis tuae in Deum, pietas singulari in Nos, & hanc

S. Sedem fidei, & devotioni conjuncta, promeretur, ut ei libenter concedamus, quae ad spiritualem ejus consolationem pertinere arbitramur. Itaque eidem Majestati tuae, ut Cryptas, Cappellas, & alia loca Sacra quaecumque in hac Alma Urbe nostra existentia, quarum, & quorum ingressus personis feminei sexus quomodolibet reperitur interdictus, toties quoties volueris cum honesto, & moderato viro-rum, & mulierum comitatu ingredi libere, & licite possis, & valeas, Apostolica auctoritate, tenore praesentium concedimus, & indulgemus.

§.3. Non obstantibus Constitutionibus, & Ordinationibus Apostolicis, necnon quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, caeterisque contrariis quibuscumque.

Datum Romae apud S. Petrum, sub Anulo Piscatoris, die 3. Januarii 1656. Pontificatus nostri Anno I.

Contrariis reitit.

Dat. die 3. Jan. 1656. An.L.

LXV.

Licentia Reginae Sveciae ingrediendi quoties voluerit Monasterium Carthusien. de Urbe, & Eremitum Camaldulen. prope Tusculum.

Ex Regest. in Secret. Breve

Charissima in Christo filia nostra Christina Sveciae Regina Illustris.

ALEXANDER PAPA VII.

Charissima in Christo filia nostra salutem, & apostolicam benedictionem.

§.1. SINGularis Majestatis tuae pietas promeretur, ut ea, quibus Spiritus tui consolatio augeri potest, Tibi libenter concedamus. Itaque Majestatis tuae, ut cum honesto, & moderato aliquot mulierum, quas tu ad hoc eligendas duxeris, & nonnullorum virorum aetate, & moribus gravium numero, & comitatu Monasterium Monachorum Carthusianorum hujus Almae Urbis, necnon Eremitum Camaldulen. prope Tusculum, ac intra septa, & clausuram Monasterii, & Eremiti hujusmodi quoties volueris ingredi libere, & licite possis, & valeas, ita tamen, ut neque tu, neque dictae mulieres inibi pernoctetis, apostolica auctoritate, tenore praesentium concedimus, & indulgemus.

Licentiam Reginae Sveciae ingrediendi Monasterii Carth. & Eremitum Camaldulen. impetratur.

§.2. Non obstantibus Constitutionibus, & Ordinationibus Apostolicis, ac eorumdem Monasterii, & Eremiti, & illorum Ordinum, etiam juramento, confirmatione Apostolica, vel quavis firmitate alia roboratis statutis, & consuetudinibus, caeterisque contrariis quibuscumque.

Contrariis repellit.

Datum Romae apud S. Petrum, sub Anulo Piscatoris, die 3. Januarii 1656. Pontificatus nostri Anno I.

Dat. die 3. Jan. 1656. An.L.

Sa-

LXVI.

Sacram, & Apostolicam Viftationem Ecclesiarum omnium Urbis, locorumque Piorum, & quadraginta horarum celebrationem cum Indulgentiarum enlargemente indicit.

ALEXANDER EPISCOPUS
SERVVS SERVORVM DEI

Dilectis filiis Univerfo Clero, & Populo Romano salutem, & apostolicam benedictionem.

Exordium.

Commissam Nobis Ecclesiam vigili cura, ac studio dies, noctesque obeuntes, calamitatum, ac tribulationum, qua invenerunt Nos nimis, obiectu non deterremur, aut frangimur, quinimo ad illum, qui eam sibi praeflegit in sponsam fidentes respicimus, & quam ipsi immensam sollicitudinem, & charitatem debemus, omni opera, diligentiaque representare conamur. Illam filii sui sanguine acquisitam, tamque excellenti pignore sibi obligatam, tradidit Nobis custodiendam Altissimus crebro urgens, contendensque, ne quid unquam de summo in eam amore, ac dilectione remitteremus. Quod trepide, sollicitate cum animo nostro reputantes, in hoc labores omnes, cogitationesque defigimus, ne qua labe, aut macula pulcherrimo corpori adhaerecat. eam vero decorem exhibeamus, tanquam sponsam ornata monilibus, paratam in occursum Domini, ac viri sui. Quamvis autem universis, ac singulis debitores simus, & in Christo devincti; haec tamen Alma Civitas, quam in tantum extulit divina dignatio, propiores habet amoris, & sollicitudinis causas. Crediti enim gregis cum forma esse jubeamur, a Principe gentium Urbe exigendum id esse potissimum videtur, ut fidei, ac Religionis Magistra, castissima etiam sit morum custos, & disciplina. Hic est fides Petri, fides, quae annunciatur in universo Mundo, qua Apostolos coronavit, & Martyres. Haec est Civitas aedificata super fundamentum Apostolorum, quam fusus pro Christo sanguis inundat, illustrantque Sanctorum pretiosa deposita.

Motiva.

§.1. Hinc quidquid oculis Domini displicere possit extirpare cupientes, nullam in populo, aut plebe turpitudinem, nihil inquinatum apparere, Cleri vero mores eos vellemus, quales esse de Altari viventium decet, quorum pars est Christus, atque in Coelis conversatio: Cum enim Deus impium Regem, quod vasa Templi ministerio addicta in prophanum usum vertisset, gravi, subitaque vindicta percussit, satis ostendit, quam procul ab imunda omni consuetudine remoti esse debeant ii, qui sibi inserviant, cum etiam inanimata, & sine sensu rei tantam voluerit adhiberi reverentiam. Optamusque, ut illi in praecipuis Basilicis, quas Deo obtulit pia Imperatorum,

ac Principum largitas, diligenter obeant opus suum, utque apta sit, & decora psalmodum modulatio, psallantque Regi Regum sapienter. Quibus perficiendis opportune, ut caetera, id quoque suis decretis sancivit sacrosancta Tridentina Synodus, ut Episcopi subinde gregem suum, ovesque perlustrarent, & recognoscere: cujus Sanctissimum Institutum, & Nos sequentes, ut Patrum regulas, ac terminos custodiamus, visitemus fratres nostros filios Israe, ne veniat super Nos quod olim comminatus est Deus malis Pastribus, qui pacentes semetipsos, gregem Domini non pascunt, neque quod infirmum est consolidant, quod aegrotum non sanant, quod confractum non alligant, quod abjectum non reducunt, & quod petit non requirunt.

§.2. Statuimus Deo annuere, Urbis Romanae omnes tam Patriarchales, quam Collegiatas, & Parochiales Ecclesias, eorumque Capitalia, & personas, item Monasteria, Conventus, & Ecclesias quorumvis Ordinis, tam virorum, quam Mulierum, Hospitalia, Collegia, Confraternitates Laicorum, Montem Pietatis, & omnia quocumque censentur nomine loca Pia visitare.

§.3. In cujus operis consortium nonnullos advocavimus ex Venerabilibus Fratribus nostris S.R.E. Cardinalibus, & Episcopos aliquot administratos, quorum consilio, atque opera in re tam salubri, atque ardua uteremur.

§.4. Ad Omnipotentis itaque Dei laudem, & gloriam S.R.E. exaltationem, vobis viftationem in vigesimam tertiam mensis hujus Dominicam diem indicimus, quam a Sacrosancta primaria Lateranensi Basilica inchoabimus, & statutis diebus, Deo adiutore prosequemur, singulos atque universos in Christi Visceribus per misericordiam Dei, & Salvatoris nostri obtestantes, ut abjectis secularibus desideriis non secundum carnem ambulant, sed iuste, & pie vivant, quo tanquam in bene preparato agro sementem Dominicam cum fructu accipiant; ac ne in vacuum curramus, & frustra sint nostri labores, Deum, qui est multa misericordiae omnibus invocantibus se, sine intermissione obsecrant, ne viribus deficiamus, sed assistat Nobis, confortetque Nos in gratia, qua est in Christo Jesu.

§.5. Qua de causa jubemus sexta feria ante constitutam Dominicam, in nonnullis Ecclesiis Urbis Patriarchalibus, Collegiatis, & aliis praecipuis Sacrosanctam Eucharistiam solemniter in Altari proponi, & quadraginta horarum orationem de more celebrari.

§.6. Ut autem orationes vestrae exeant de corde puro, & conscientia bona, thesauros ejus, qui propitiator noster est apud Patrem suum reservamus, atque omnibus, & singulis utriusque sexus Romae degentibus, qui eadem Dominica die expiatis exacta confessione conscientiae Sacram sumperit Eucharistiam, devoteque in quavis Ecclesia

Quadraginta Horarum celebrationem indicit.

Indulgentias Ecclesiis, & Loca Pia visitantibus largitur.

si oraverint, ut haec nostra viftatio utilis sit Ecclesiae, & animarum salutem, plenariam peccatorum suorum Indulgentiam concedimus, & largimur.

§.7. Agite ergo dilecti filii, cum tremore, & sollicitudine cooperamini salutem vestrae quaecumque sint vera, quaecumque pudica, iusta, sancta, amabilia, bonae famae, si qua virtus, si qua disciplina, haec cogitate, ut cito anticipent Nos misericordiae Domini, obliviscatur vero iniquitatum nostrarum, convertaturque, & videat, & vifitet vineam istam, quam plantavit dextera ipsius, & ponat viftationem ejus pacem.

Dat. quarto Id. Januarii, Anno.

Datum Romae apud S. Petrum, Anno Incarnationis Dominicae 1655. quarto Id. Januarii, Pontificatus nostri Anno I.

LXVII.

Ex Regest. in Secret. Breve. Indulgentia pro Imagine Christi ad Columnam flagellati a S. S. Reginae Sveciae donata est.

Charissima in Christo filia nostra Christina Sveciae Regina Illustri.

ALEXANDER PAPA VII.

Charissima in Christo filia nostra salutem, & apostolicam benedictionem.

Exordium.

Quanto majori animi jucunditate perfundimur eximium majestatis tuae zelum Catholicae Religionis, ac singularia ejus in Nos, & hanc Sanctam Sedem Fidei, & devotionis merita considerantes, tanto impensius optamus aliquod praecipue paterna, qua te jure optimo complectimur, charitatis, ac insignium virtutum tuarum extare monumentum.

Indulgentias impartitur Reginae Sveciae pro Imagine Christi.

§.1. Cum itaque Nos majestati tuae Imaginem Jesu Christi Domini nostri ad Columnam ex lapide cyaneo ligati, & a duobus tortoribus flagellati, tribus argenteis constantem, & thecae ex ebene inclusam donaverimus; Idcirco spirituali ejusdem majestatis tuae consolationi, & animae tuae salutem per amplius consultum esse cupientes, Tibi, ut quamdiu Imaginem praedictam penes te haberis, quotiescumque Officium Divinum ordinarium, aut Beatissimae Virginis Mariae, vel Defunctorum, aut Septem Psalmos Poenitentiales, seu Graduales, vel Coronam Domini, aut tertiam partem Rosarii recitaveris, aut infirmos alicujus Hospitalis visitaveris, vel Pauperibus Christi subvereris, quoties aliquod praestiteris ex operibus hujusmodi, ac vere poenitens, & confessa Sacerdoti ab Ordinario approbato in aliquo ex Dominicis, aut Festis diebus de Praecepto Sacram Communionem sumperis, plasque ad Deum preces fuderis pro haeresum, & schismaticorum extirpatione, pro Fidei Catholicae propagatione, Christianorum Principum concordia, aliisque Sanctae Matris Ecclesiae necessitatibus, semel in hebdomada plenariam omnium peccatorum tuorum Indulgentiam consequaris. Praeterea, ut quando feria sexta quoscumque hebdomadae in honorem Sanctissimae Passionis Dominicae jejunaveris, ac ipsa die, vel Dominica immediate sequenti confessa, ac Sacra Communione refecta, ut supra oraveris, toties plenariam item Indulgentiam consequaris, & quoties cum dolore de peccatis, & proposito emendationis conscientiam tuam examinaveris, toties decem annorum Indulgentiam, & totidem quadragenas consequaris. Quod si per integrum mensem, ut minimum semel in die id egeris, coque mense absolute, perfecta confessione. Sanctissimam Eucharistiam sumperis, plenariam pariter Indulgentiam consequaris. Et quoties ter Pater noster, & ter Ave Maria in honorem Sanctissimae, & individuae Trinitatis, aut quinquies in honorem quinq; Plagiarum Domini nostri Jesu Christi proposito te ab aliquo peccato emendandi dixeris, aut Missae etiam privatae in feriale diebus interfueris, aut aliquod ex operibus supra in primo capite praescriptis praestiteris, toties Indulgentiam decem annorum, & totidem quadragenarum. In mortis quoque articulo, si vere poenitens, ac si poteris, ut supra confessa, Sacraque Communionem refecta, aliquo saltem contrita nomen Jesu ore si potueris, sin minus corde devote invocaveris, plenariam pariter Indulgentiam consequaris. Quas quidem omnes Indulgentias supra scriptas, ut per modum suffragii Fidelibus Defunctis applicare possis concedimus: in contrarium facientibus non obstantibus quibuscumque.

Datum Romae apud Sanctum Petrum, sub Annulo Piscatoris, die 11. Januarii. 1656. Pontificatus Nostri Anno I.

Dat. die 11. Jan. 1656. An.I.

LXVIII.

Hortatorium Capitulo Ecclesiae Cocinensis, ut Hyacintho a S. Vincentio Fratri Discalceato Ord. S.M. de Monte Carmelo ad illas partes a Nobis destinato auxilium, & favorem praestent, ac pro viribus assistant.

Ex Regest. in Secret. Breve.

Dilectis filiis Vicario Capitali Ecclesiae Cocinensis Illius Sede Episcopali vacante legitime deputato a Capitulo, & Canonice ejusdem Ecclesiae Cocinensis.

ALEXANDER PAPA VII.

Dilecti filii salutem, & Apostolicam benedictionem.

§.1. **C**UM pro componendis Ecclesiae Angamalen. Thomae Archidiaconi ejusdem Ecclesiae, seu Serra opera, ut accepimus, turbata dissidiis dilectum filium Hyacinthum a Sancto Vincentio Fratrem Discalceatum Ordinis Sanctae Mariae

Commemorandum Fr. Hyacinthum Canonici, & Capitolis Ecclesiae.

K

de

de Monte Carmelo virum virtutibus, ac optimis qualitatibus præditum ad illas partes destinare decreverimus: Hinc est, quod Nos dilectionem vestram præsentium tenore in Domino censuimus adhortandam, ut pro nostra, & Sedis Apostolicæ reverentia prædictum Hyacinthum ad vos divertentem benigne excipiat, illique quodcumque opportunum auxilium, & favorem præbeat, & pro viribus assistatis, ut ipse consilio, & ope vestra adjunctus memoratæ Ecclesiæ Angamalen. pacem, & concordiam in executionem mandatorum nostrorum ad Omnipotentis Dei Laudem, & Dominici gregis salutem restituere, ac Christiane fidei aliena seductione, & inconsulta levitate a Ven. Fratre Archiepiscopo Angamalen. eorum Pastore distractos ad ejusdem Archiepiscopi obedientiam reducere Domino cooperante valeat. Implebitis ea in re partes verorum Ecclesiæ Catholicæ filiorum, Nobisque gratissimum erit, quod benevolentia eidem Hyacintho impendetis.

Datum Romæ apud S. Petrum, sub Anno Piscatoris, die 19. Januarii 1656. Pontificatus nostri Anno I.

Dat. die 19.
Jan. 1656.
An.I.

L XIX.

Ex Regest. in
Sacris. Brevis.

Mittit Hyacinthum a S. Vincentio Carmelitam Discalceatum ad Provinciam Angamalen. ut super recessu Thomæ Archidiaconi Ecclesiæ Angamalen. ejusque sequacium ab obedientia Archiepiscopi, aliisque excessibus informationes capiat, & processus conficiat cum facultate communicandi cum illis, & eos absolvendi, & ad gremium S. M. E. recipiendi.

Dilecto filio Hyacintho a S. Vincentio Ordinis Fratrum Beate Mariæ de Monte Carmelo Discalceatorum nuncupatorum professori.

ALEXANDER PAPA VII.

Dilecte fili salutem, & apostolicam benedictionem.

Motiva.

§.1. CUM sicut, non sine gravi animi nostri molestia ad aures nostras pervenit, dilectus filius Thomas Archidiaconus Ecclesiæ Angamalen. seu Serræ una cum centum, & quinquaginta millibus, seu alio veriori numero Christianorum illarum Partium ab obedientia Ven. Fratris Archiepiscopi Angamalen. recesserit, ac dignitatem Episcopalem absque hujus Sanctæ Sedis auctoritate sibi arrogaverit, nunquam pastoralia inter eosdem Christianos illegitime, invalideque exercere præsumperit, & forsân præsumat, cumque per excessus hujusmodi, & illorum occasione status ejusdem Ecclesiæ Angamalen. cum maximo Christiane fidei dictarum partium animarum periculo valde perturbatus exi-

stat: Nos pro commissa Nobis ab aeterno Pastore omnium Ecclesiarum sollicitudine universique gregis Dominici cura prædictorum excessuum informationem capi, ac perturbationes hujusmodi componi, & sedari, tranquillitatemque eidem Ecclesiæ restitui, necnon memoratum Thomam, ejusque sequaces ad ejusdem Archiepiscopi obedientiam reduci cupientes; ac tua fide, prudentia, rerum agendarum peritia, dexteritate, & Catholica Religione zelo, plurimum in Domino confisi, de Ven. Fratrum nostrorum S. R. E. Cardinalium negotio Propagandæ Fidei præpositorum consilio, Tibi per præsentem committimus, & mandamus, quatenus Te una cum duobus, vel tribus sociis tibi placitis, & gratis, ad partes supradictas conferas, ac super omnibus, & singulis præmissis veras facti informationes, exactamque instructionem sumas, & capias, ac processum, seu processum desuper fabrices, & conficias. Dantes Tibi quacumque necessaria, & opportunam facultatem cum eodem Thoma ejusque sequacibus Clericis, & Laicis quibuslibet libere, & licite, & absque cujusvis censura, vel poenæ Ecclesiasticæ incurfu, ubi, & quando, ac toties, quoties in Domino expedire judicaveris, super eorum reductione ad præfati Archiepiscopi obedientiam communicandi, & tractandi, ipsumque Thomam, & ejus sequaces ad obedientiam hujusmodi quoties opus fuerit, respective auctoritate nostra apostolica reducendi, & si hoc a Te humiliter petierint, imposita eis, & eorum cuilibet poenitentia salutari, necnon recepto ab eis juramento, quod de cætero similia non perpetrabunt, a prædictorum excessuum reatu, ac quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis per eos, & eorum quemlibet præmissorum occasione respective incurfis, eadem auctoritate absolvendi, & plenarie liberandi, illisque, & eorum cuilibet poenas hujusmodi gratiose remittendi, & condonandi, ac eos, & eorum quemlibet in pristinum, & eum, in quo ante prædictos excessus quomodolibet erant statum restituendi, & plenarie reintegrandi, ac ad gremium Sanctæ Matris Romanæ Ecclesiæ, dicta auctoritate recipiendi, aliisque ad id necessaria, & opportuna agendi, faciendi, & exequendi, prout res ipsa exegerit, servatis tamen semper Constitutionum, Apostolicarum, ac Conciliorum generalium, Sacrorumque Canonum dispositionibus.

§.2. Non obstantibus fel. rec. Bonifacii Papæ VIII. Prædecessoris nostri de una, & Concilii generalis de duabus dietis, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinamentis, necnon quatenus opus sit, memoratæ Angamalen. & aliarum quarumvis Ecclesiarum, & locorum, etiam juramento, confirmatione apo-

Facultatē Ipatitur: Fr. Hyacintho absolventi a censuris, & ad Ecclesiæ gremium reducendi Archiep. Prov. Angamalen.

apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum, hac vice dumtaxat specialiter, & expresse derogamus, ceterisque contrariis quibuscumque.

Dat. die 19.
Jan. 1656.
An.I.

Datum Romæ apud S. Petrum, sub Anno Piscatoris, die 19. Januarii 1656. Pontificatus nostri Anno I.

LXX.

Facultates S. R. E. Cardinalium pro Visitatione Ecclesiarum, & Locorum Piorum Urbis assumptorum.

Venerabili Fratri nostro Martio Episcopo Albanen. Ginetto, necnon dilectis filiis nostris Viderico S. Anastasia Carpineo, Marco Antonio S. Mariæ de Pace Francioto, Francisco Angelo S. Cecilia Rapaccio, Nicolao S. Mariæ Angelorum Ludovico, Jacobo S. Mariæ Transpontina Corrado, Laurentio S. Chrysoconi Imperiali, & Gilberto SS. Joan. & Pauli titularum Presbyt. S. R. E. Cardinalibus, Borromæo respectivè nuncupatis.

ALEXANDER PAPA VII.

Venerabilis Frater noster, ac dilecti filii salutem, & apostolicam benedictionem.

Exordium.

CUM in pastoralis visitatione, quam prope diem inchoare, & Deo adjuvante prosequi intendimus, Cleri nimirum Romani, & omnium almarum Urbis Ecclesiarum, Piorumque Locorum, & operum, vos potissimum ex Sacro Venerabilium Fratrum nostrorum Collegio delegerimus, & Nobis in eo munere adjutores assumpserimus, adeoque vestra opera in nonnullis rebus, quas per Nosmetipsos præstare non valeamus, diligenter inquirendis, examinandis, & exequendis uti cupiamus.

Facultates procedendi contra quoscumque.

§.1. Idcirco, ut vestrum ea in re ministerium plus habeat auctoritatis, & firmitatis, uberioraque ad cultus divini propagationem, & animarum salutem, Deique gloriæ pariat fructum, providere volentes, vobis, & vestrum cuilibet in solidum circa visitationem ipsam, eaque durante mandata quæcumque etiam vivæ vocis oraculo per vos a Nobis accepta illis, ad quos ea res pertinet referendi, & obtemperandi per Nos ordinata mandandi, quibus relationi, ac mandatis vestris, & cujuslibet vestrum de ordine nostro factis hujusmodi plenam, & indubiam fidem ab omnibus adhiberi, atque firmiter obtemperari tanquam mandatis nostris apostolicis volumus, & jubemus; mandata quoque, & præcepta

Bull. Rom. Tom. IV. Par. IV.

quæcumque necessaria, & opportuna illis in rebus, quæ visitationis hujusmodi præparationem, statum, progressum, & executionem concernunt, decernendi, faciendi, atque exequi jubendi, personas quascumque tam Ecclesiasticas seculares, & cujusvis Ordinis etiam Cisterciensis, ac S. Antonii Viennensis, necnon Congregationis, Societatis etiam Jesu, ac Instituti, necnon Militiarum etiam Hospitalis Sancti Joannis Hierosolymitani Regulares, quam etiam laicas pro rebus, & negotiis ad visitationem hujusmodi pertinentibus ad vos vocandi, & ad personaliter coram vobis comparandum citandi, opportunisque juris, & facti remediis compellendi; similes item personas quascumque, & tanquam principales, quoad se, & tanquam testes quoad alios examinandi, & ut veritati testimonium perhibeant admonendi, ac etiam cogendi, juramenta eis deferendi, & ab eis exigendi, & recipiendi ad Sacrorum Canonum præscriptum, ac recusantes per censuras ecclesiasticas, aliasque poenas etiam corporales vobis benevolitas compescendi.

§.2. Memorialia etiam Nobis inscripta, & directa, atque instructiones, relationes, delationes, querelas etiam secretas contra quascumque personas accipienda, & Nobis referenda, seu aliis prout rerum, & personarum qualitas requirit juxta ordinationes nostras, & ex auctoritate vobis tradita providendi.

§.3. Congregationes aliquarum personarum, quæ vobis in consilium super præmissis adhibenda videbuntur faciendi, & illas easdem personas auctoritate nostra vocandi, & cum eis de negotiis Visitationis hujusmodi tractandi, consultandi, & deliberandi.

§.4. Quotiescumque etiam vobis videbitur, ac etiam seorsum a Nobis, & iteratis vicibus, quantumvis dictæ Urbis, seu extra illam, intra tamen illius districtum consuetum Patriarchalium, Collegiatum, Parochialium, seu aliarum Ecclesiarum, etiam S. R. E. Cardinalibus ratione tituli, aut denominationis sui Cardinalatus, & aliis quomodolibet, vel ex quavis causa subjectarum, seu cujusvis Cappellæ, vel Oratorii, necnon Monasteriorum, tam virorum, quam mulierum, Prioratum, Domicorum, & Locorum secularium, seu cujuslibet Ordinis etiam Mendicantium, ac etiam Cisterciensis, & S. Antonii Viennensis, necnon Congregationis, Societatis etiam Jesu, ac Instituti, & Militiæ etiam Hospitalis Sancti Joannis Hierosolymitani, etiam illorum capita existant, regularium, & Hospitalium etiam Nationalium, & Sancti Spiritus in Saxia, ac etiam exemptorum, Nobisque, & Apostolicæ Sedi immediate subiectorum generaliter quorumcumque Locorum, & operum piorum quomodolibet nuncupatorum, & quocumque privilegio, exemptione, & immunitate sustulorum, eorumque Capitulorum, Conventuum, Universitatum, Collegiorum, Congregationum, Confraternitatum, Archicon-

Memorialia etiam Pontificis intercepta expendantur.

Et Congregatio pro con. his adhibere possunt.

Omnes quæ suntque Ecclesiæ, & Loca Pia Visitatoribus subiciuntur.

chiconfraternitatum etiam Laicorum, etiam nullo alio speciali nostro expectato ordine, vel mandato, aut etiam requisito consensu, vel licentia visitationem faciendi, ac illa, & quælibet illorum visitandi, & in illorum statum, formam, regulas, instituta, regimen, statuta, consuetudines, vitamque, ritus, mores, disciplinam, doctrinam, idoneitatem singularum personarum conjunctim, vel divisim, & tam in capite, quam in membris, necnon circa divinum cultum, religiosam functionem, Ecclesiarum decorem, fructuum, & introituum dispositionem, regularem religiosorum, tam virorum, quam mulierum observantiam, aliaque omnia, & singula ad actum hujusmodi visitationis quomodocumque spectantia diligenter inquirendi, & ad hunc effectum quæcumque illorum Archivia, Bibliothecas, & quæcumque in illis contineantur documenta, & instrumenta authentica, scripturas, libros rationum dati, & accepti, computa, & ratiocinia perlustrandi, inspiciendi, perscrutandi, præsertim vero Sanctissimum Eucharistiæ Sacramentum, sacras Reliquias, & quibus ipsum Augustissimum Sacramentum, Sacra Reliquia, & res ad alia Ecclesiastica Sacramenta pertinentes continentur, sacra vasa, pyxides, thecas, tabernacula, necnon indumenta, ornamenta, & instrumenta, utensilia, & suppellectilem Ecclesiasticam, etiam pretiosam diligenter, & accurate inspiciendi, & ad prædicta exhibenda quascumque personas cogendi, & compellendi, ac in præmissis omnibus, & singulis quæcumque correctione, emendatione, & reformatione indigere cognoveritis, corrigendi, emendandi, & reformandi, processusque necessarios desuper faciendi, & Nobis referendi, seu juxta ordinationes nostras in his opportune providendi, mandata, decreta, statuta, & ordinationes executioni demandandi, ac custodiri, & observari præcipiendi, demumque omnia alia, & singula, quæ hujusmodi visitationis negotium, ulteriorem progressum, executionem, & in ea facta, & facienda mandata, decreta, statuta, & ordinationes concernunt, & concernent, seu ad ea quomodolibet spectant, & spectabunt faciendi, gerendi, exequendi, mandandi, & ordinandi.

Contradictores competere

§.5. Contradictoresque, & vobis in præmissis inobedientes, & rebelles, eisque auxilium, consilium, vel favorem publice, vel occulte, directe, vel indirecte quomodolibet præstantes per suspensionis, ac etiam privationis beneficiorum, & officiorum ecclesiasticorum, ac per censuras, & poenas ecclesiasticas, & temporales, etiam mancipationis carceri, aliaque opportuna juris, & facti remedia, appellatione postposita, compescendi, auxiliumque brachii secularis, si opus fuerit, invocandi plenam, liberam, amplam, & in universum tribuimus potestatem. Mandantes propterea omnibus, & singulis, ad quos spectat, & spectabit, quæcumque dignitate, auctori-

tate, potestate, & præminetia fulgentibus, ut vobis, & cuilibet vestrum in præmissis omnibus, & singulis prompte pareant, & obediant, alioquin sententias, sive poenas, quas rite tuleritis, seu statueritis in rebelles, ratas habebimus, & faciemus, auctore Domino, usque ad satisfactionem condignam inviolabiliter observari.

§.7. Cæterum in visitatione hujusmodi Ordinem præcedentem inter Ecclesias, Monasteria, & loca quæcumque per vos visitanda, quantum commode fieri poterit servari volumus, nulli tamen Ecclesiæ, Monasterio, vel Loco, nec ulli Capitulo, Collegio, Conventui, Confraternitati, Archiconfraternitati, aut personæ, tam conjunctim, quam divisim, seu alias quomodolibet ejusdem visitationis, sive ordinis hujusmodi in illa servati, vel non servati occasione in aliquo, etiam minime quoad præcedentiam, aliaque prærogativas quascumque præjudicari, ac quicquam novi juris acquiri decernimus, & declaramus.

Nullum alicui præcedentis jus acquiratur.

§.7. Præterea cupientes in prædicta nostra pastoralis visitatione animum salutem, quantum in Nobis est, prouesse, ac etiam corporales Christi pauperum præsertim infirmorum indigentias paternam charitate sublevare, circumspeditioni vestræ, & vestrum cuilibet præsentium serie mandamus, ut conjunctim, vel divisim Parochias Ecclesiarum diligenter perlustrare, ac perquirere studeatis, atque earum pauperes infirmos graviter decumbentes singulos nostro nomine visitetis, & Apostolicam, & nostram eis Benedictionem, ut moris est, semel impartiamini, eosque paternis monitis, & salutaribus consolationibus recreetis, hortantes ipsos, ut in humilitate, & patientia propter Deum corporis infirmitatem, & dolores sustineant, & ad parendum divinæ voluntati quandomcumque ei placuerit, ipsos ex hoc seculo revocare, se pie, & Christiane præparent, sinceroque corde ad Deum conversi humiliter ab eo suorum peccatorum veniam petant, atque omnia Ecclesiastica Sacramenta, quibus Christiani fideles ex hac vita migraturi se præmunire solent, & debent, devote, & reverenter suscipiant.

Infirmos ad patientiam hortentur.

§.8. Nos enim eorum singulis ante, vel post vestram visitationem, ut præfertur, poenitentibus, confessis, & Sanctissimo Eucharistiæ Sacramento resectis semel plenariam omnium peccatorum suorum Indulgentiam, & remissionem largimur.

Confessis, & Communione resectis plenariam indulgentiam concedit

§.9. Volumus autem, ut eo interim, vobiscum adducatis dilectum filium nostrum, & Palatii Apostolici Eleemosynarium qui prout cujusque eorumdem pauperum egestas, & personarum conditio postulaverit, etiam oblati nostra impensa charitatis subsidiis, pecuniis, cibis, potu, pharmacis, vestibus, medicorum ope, cæterisque ad victum, seu ad recuperandam valetudinem necessariis temporalibus, quibus nunc urgentur, eorum necessitatibus succurrat.

Egenis per Apostolicum Eleemosynarium succurrant.

§.10. Non obstantibus Constitutionibus, & Or-

Contrariis derogat.

& Ordinationibus Apostolicis, etiam Conciliaribus, & Ecclesiarum, Monasteriorum, Hospitalium, Ordinum, Congregationum, Societatis Jesu, Militiarum etiam dicti Hospitalis Sancti Joannis Hierosolymitani, Archiconfraternitatum, Confraternitatum, & aliorum Locorum, & operum piorum hujusmodi, etiam juramento, confirmatione apostolica, vel quavis firmitate alia roboratis statutis, & consuetudinibus, etiam immemorabilibus, stabilimentis, usibus, & naturis, ac stylo Curia, privilegiis quoque, indultis, exemptionibus, & literis Apostolicis præmissis, & cuivis illorum, ac Superioribus, & personis eorum quomodolibet nuncupatis, & qualificatis, sub quibuscumque verborum tenoribus, & formis, ac cum quibusvis etiam derogatoriis, derogatoriis, aliisque efficacioribus, & insolitius clausulis, & decretis, etiam irritantibus in genere, vel in specie, etiam motu proprio, vel ad Imperatoris, Regum, Reginarum, Rerumpublicarum, & Principum quorumlibet preces, & instantiam, seu eorum contemplatione, & intuitu, ac etiam consistorialiter, & alias quomodocumque concessis, confirmatis, & pluries innovatis. Quibus omnibus, & singulis etiam si pro sufficienti illorum derogatione de illis, eorumque totis tenoribus specialibus, specificis, expressis, ac de verbo ad verbum, non autem per clausulas generales idè importantes mentio habenda, aut aliqua alia exquisita forma ad hoc servanda foret, illorum omnium, & singulorum tenores, formas, & occasiones præsentibus pro plene, & sufficienter expressis, insertis, & servatis respective habentes, illis alias in suo robore permansuris, ad præmissorum effectum specialiter, & expresse, ac plenissime derogamus, ac derogatum esse volumus, cæterisque contrariis quibuscumque.

Datum Romæ apud Sanctum Petrum, sub Annulo Piscatoris, die 22. Jan. 1656. Pontificatus nostri Anno I.

LXXI.

Deputatio Secretarii ejusdem S. Visitations Apostolicæ.

Ven. Fratri Hieronymo Archiepiscopo Patracen.

ALEXANDER PAPA VII.

Ven. Frater, salutem, & apostolicam benedictionem.

Exordium.

Reverentiam, quæ Nobis cordi sunt, & quibus universæ, quam meditatur, reformationis pars non ultima continetur curam fidei, & diligentibus viris libenter committimus.

Secretarium cum privilegio deputat.

§.1. De tua itaque singulari, & Nobis jam pridem perspecta fide, & diligentia, plurimum in Domino confidentes, Visita-

tionis nostræ Apostolicæ, quam omnibus Almae Urbis, ejusque districtus Ecclesiis, Monasteriis, Locisque Sacris, & Pii, secularibus, & regularibus, universonque Clero, & Populo Romano indiximus, ac per nosmetipsos, seu nonnullos Venerabiles Fratres nostros S. R. E. Cardinales ad id coadjutores a Nobis assumptos Deo dante obire intendimus, te Secretarium duximus eligendum, prout etiam per præfentes munus Secretarii hujusmodi cum omnibus, & singulis facultatibus, auctoritatibus, prærogativis, privilegiis, & juribus quæ tale officium obtinenti, & exercenti quomodolibet competere possunt, & debent, Motu proprio Tibi committimus, & demandamus, Teque Secretarium Visitacionis prædictæ creamus, constituimus, & deputamus.

Facultas Secretarii

§.2. Dantes Tibi plenam, & liberam facultatem ejusdem Visitacionis decreta, statuta, ordinationes, mandata, præcepta, inhibitiones, informationes, relationes, ordinem, & seriem adnotandi, describendi, & in libellos, seu commentarios, sive etiam in publica, & authentica documenta, & instrumenta redigendi, cæteraque omnia, singula, & quæcumque ad idem munus spectantia gerendi, & exercendi, etiam si notam, & expressionem requirent magis specialem, & sub generali commissione hujusmodi non venient. Nos enim volumus iis, quæ a te de rebus in Visitacione gestis, & ordinatis fient, & emanabunt documentis, & scripturis tua manu, & signo munitis plenam, atque indubitam fidem nunc, & perpetuis futuris temporibus, tam in iudicio, quam extra illud omnino haberi, neque ad id probationis alterius adminiculum requiri. Tu igitur in delato tibi munere ita te gere, ut fidem, & diligentiam numquam a te defuisse latemur.

Datum Romæ apud Sanctum Petrum, sub Annulo Piscatoris, die 22. Jan. 1656. Pontificatus nostri Anno I.

Dat. die 22. Jan. 1656. An. I.

LXXII.

Deputatio Cancellarii, seu Actuarii causarum Sacre Visitacionis Apostolicæ.

Dilecto filio Josepho Palamolla Presbytero Policastro.

ALEXANDER PAPA VII.

Dilecte fili salutem, & apostolicam benedictionem.

Cancellarium creat.

De singulari tua fide, & diligentia, plurimum in Domino confidentes, te omnium, & quarumcumque litium, & causarum, tam civilium, quam criminalium occasione Visitacionis nostræ Apostolicæ, quam in omnibus Almae Urbis, & ejus districtus Ecclesiis, & Monasteriis, Locisque Sacris, & Pii, regularibus, & secul-

secularibus, univervoque Clero, & Populo Romano indiximus, motarum, & in futurum movendarum, necnon ejusdem Visitationis actorum, ac decretorum quorumcumque Cancellarium, & Actuarium cum omnibus, & singulis facultatibus, & auctoritatibus, quae tale officium exercenti quomodolibet competere possunt, & debent, apostolica auctoritate, tenore praesentium creamus, constituimus, & deputamus.

Facultas condit.

§.2. Dantes tibi plenam, & liberam facultatem omnes, & singulos actus, & terminos coram Judicibus, ac Venerabilibus Fratribus nostris S.R.E. Cardinalibus super eadem Visitatione per Nos assumptis, & deputatis servandi, ac decreta, & sententias per eos pro tempore facienda, & respective promulgandas annotandi, ac describendi, et in publica, et authentica instrumenta, si opus fuerit, redigendi, caeteraque omnia, et quaecumque ad idem munus spectantia faciendi, gerendi, et exercendi, quae in praemissis, et circa ea necessaria fuerint, seu quomodolibet opportuna, etiam absque aliquo conscientiae scrupulo, aut censurarum, vel poenarum ecclesiasticarum, vel etiam irregularitatis incurfu. Volumus insuper, ut scripturis, et instrumentis publicis, manu tua, ac signo munitis plena, et indubitata fides in iudicio, et extra, nunc, & perpetuis futuris temporibus omnino adhibeatur.

Datum Romae apud Sanctum Petrum, sub Annulo Piscatoris, die 22. Jan. 1656. Pontificatus nostri Anno I.

L X X I I I .

Ex Reg. in Secret. Brevis

Constitutio super statu Congregationis secularis Clericorum Pauperum Matris Dei Scholarum Piarum.

ALEXANDER PAPA VII.

Ad perpetuam rei memoriam.

Commemoratio Decreti Pauli V. & Gregorii Praedecessoris.

§.1. **D**udum fel. record. Paulus Papa Quintus Praedecessor noster per suas in simili forma Brevis die sexta Martii 1617. expeditas Literas in Domo Piarum Scholarum Urbis unam Congregationem Scholarum Piarum ab uno Praefecto regendam, et gubernandam, quae de caetero perpetuis futuris temporibus Paulina Pauperum Matris Dei Scholarum Piarum nuncupari, nec ultra viginti ab Urbe milliaria extendi, neque ullum locum, in quo Scholae Prae non essent, Domibus Novitiorum exceptis, habere, et qui eidem Congregationi nomen dare voluissent finitis duobus probationis annis omnes tam ad sacros, etiam presbyteratus ordines promoti, et clericali caractere dumtaxat insigniti, quam Fratres operarii tria simplicia vota paupertatis, videlicet, ac castitatis, et obedientiae, super

quibus a nemine, praeterquam a Romano Pontifice pro tempore existente dispensari posset, emittere, ac gratis, & nullo stipendio, mercede, salario, aut honorario accipien. ad pueros in primis elementis grammatica, computo, ac praecipue in Fidei Catholica rudimentis erudiendos, bonis, & piis moribus imbuendos, ac demum Christiano more educandos operam, laborem, & studium conferre deberent erexit, & instituit; ita vero, quod qui simplex paupertatis votum, ut praefertur, emisissent, quamdiu in praedicta Congregatione remansissent, cuiuscumque domini, juris, & proprietatis incapaces essent, idemque paupertatis votum summam in iis paupertatem induceret tam in particulari, quam in communi, ita ut nihil omnino juris haberent, sed nec habere, aut acquiescere quovis titulo possent in bonis, seu ad bona, quae vocantur immobilia, vel quae pro immobilibus habentur. Huic vero paupertati omnia ad eorum usum pertinentia cibos, vestes, suppellectilem tam sacram, quam prophanam statui, & Instituito convenientia; Domos vero, hortos contiguos Domibus, Ecclesias, Sacrarias, Oratoria, ac Scholas, & huiusmodi immobilia, quae pariter usui eorum destinabantur similiter convenientia, ut praefertur, & praeterea in Dominio Romani Pontificis pro tempore existentis; mobilia vero in dominio ipsorum, in communi tamen esse debere decrevit, & declaravit, & deinde cum tunc existentes Sanctae Romanae Ecclesiae Cardinales negotiis Episcoporum, & Regularium praepositi, quibus recol. mem. Gregorius XV. etiam Praedecessor noster negocium huiusmodi examinandum, & sibi referendum commiserat, decreto per eos desuper facto censuissent Congregationem Scholarum Piarum huiusmodi, ut praefertur, erectam, & institutam posse in Religionem trium votorum solemnium approbari, dictus Gregorius Praedecessor per suas in simili forma brevis, die 18. Novembris 1621. expeditas Literas, Decretum praedictum approbavit, & confirmavit.

Decretum Innocentii de re hac.

§.2. Postmodum vero praefectus mem. Innocentius Papa X. pariter Praedecessor noster ex causis tunc expressis adductis omnibus, & singulis Religionis praedictae Religiosis etiam Professis tam Sacerdotibus, quam Laicis, sive, ut vocant, operariis facultatem transeundi ad quamcumque aliam Religionem ab hac Sancta Sede Apostolica approbatam, etiam laxiorem, in qua benevolos invenirent receptores, concessit, & impartitus est.

Confirmat, prout in rubr.

§.3. Praeterea ne de caetero ulli amplius in dictam Religionem recipere, & ne tunc recepti in Novitiis degentes ad professionis emissionem admitterentur sub nullitatis receptionis, & professionis huiusmodi, aliisque ipsius Innocentii Praedecessoris, & Romani Pontificis pro tempore existentis arbitrii poenis interdictis, & prohibuit. Ad haec omnes, & singulos

gulos

gulos ejusdem Religionis Religiosos cuiuscumque qualitatis existerent, eorumque Domos, Scholas, & Loca quaecumque omnimoda ordinariae locorum, in quibus reperiuntur, iurisdictioni subiecit, & supposit, sublata tamen tam olim Ministro Generali Religionis praedictae, quam aliis etiam auctoritate Apostolica Visitoribus, ac Superioribus deputatis, Domorum Ministris, caeterisque inferioribus superioribus omni, & quacumque facultate, superioritate, & iurisdictione tam in spiritualibus, quam in temporalibus erga praedictos Religiosos, eorumque Domos, & Scholas, ac Loca quaecumque, omnemque auctoritatem, superioritatem, & iurisdictionem, quae poenae Ministrorum Generalium, Visitorum Apostolicorum, aliosque supradictos, ut praemittitur, residebat totaliter, & omnimode in Ordinarios locorum huiusmodi transfuit, ita ut Religiosi praedicti nullam deinceps iurisdictionem, auctoritatem, & superioritatem sibi usurpare possent, nisi illam, quae iis fuisset ab Ordinariis, ut supra demandata, seu delegata, Religionem vero praedictam in Congregationem similem Instituto Congregationis Oratorii in Ecclesia Sanctae Mariae in Vallicella de eadem Urbe erectae Sancti Philippi Neri nuncupatae absque ullo votorum emissionem regendam, dirigendam, ac gubernandam juxta tamen Constitutiones primordiale Instituto proportionabiles desuper iussu Innocentii praedicti edendas redegit. & reduxit, ita tamen, ut praedicti Religiosi nunquam possent denominari Presbyteri, seu Clerici Congregationis Oratorii, vel Sancti Philippi Neri, nec pro talibus se gerere, & alias prout in eorumdem Praedecessorum Pauli, & Gregorii supradictis, ac Innocentii pariter in forma brevis die 16. Martii 1646. expeditis Literis, quarum tenores praesentibus pro plene, & sufficienter expressis haberi volumus, uberius continetur.

Reducit ad Congregationem secularem Clericos praedictos.

§.4. Nunc autem Nos considerantes experientia rerum magistra liquido constare, quam utile sit Republicae Christianae Institutum praedictorum Clericorum, quorum opera, & sedulitate pueri corruptae naturae vitio alioquin ad malum proclives non solum in primis elementis grammaticae, & computo instruantur, sed etiam quod longe conducibilius est Fidei Catholicae rudimentis, ac moribus, & virtutibus christianis imbuuntur boni publici plurimum interesse censemus eosdem Clericos in laudabili, & fructuoso eorum Instituto huiusmodi perseverare. Hoc vero ut ab ipsis alacrius, & majori cum fructu deinceps peragi possit, providere, ac insimul eorumdem Clericorum prospero statui, ac felici directioni consulere, quantum cum Domino possumus, volentes, de particulari Congregationis nonnullorum Venerabilium Fratrum nostrorum Sanctae Romanae Ecclesiae Cardinalium, ac dilectorum filiorum Romanae Curiae Praelatorum, qui de mandato nostro negocium huiusmodi

auditis etiam Clericis praedictis mature examinarunt, consilio, motu proprio, ac ex certa scientia, & matura deliberatione nostris, deque Apostolica potestatis plenitudine hac nostra Constitutione, perpetuam reductionem eorumdem Clericorum a statu regulari, ad Congregationem secularem sub eadem denominatione Clericorum Pauperum Matris Dei Scholarum Piarum approbamus, & confirmamus, & quatenus opus sit, de novo Congregationem huiusmodi ad statum secularem sub denominatione praedicta reducimus.

A votis dispensari prohibet.

§.5. Statuentes, ac decernentes, quod quicumque in eandem Congregationem secularem nunc, & pro tempore quandoque recepti tria vota simplicia, nempe castitatis, paupertatis, & obedientiae, cum juramento in eadem Congregatione perpetuo permanendi suo tempore emittere debeant, ita ut cum ipsis super votis, & Instituto huiusmodi, nisi per Nos, & Romanum Pontificem pro tempore existentem dispensari, aut illa commutari, vel relaxari respective nullatenus, etiam praetextu, vel vigore quorumcumque facultatum, etiam Cruciate Sanctae, vel Jubilei universalis possint sub poenis Apostolicae in casum contraveniens, ita tamen, ut deinceps in eadem Congregationem recipiendi antequam tria vota huiusmodi emittant, duos annos probationis in domibus specialiter in unaquaque Provincia pro Novitiis, si fieri poterit, destinandis, complere teneantur.

§.6. Ad haec, ut certus dumtaxat numerus Clericorum ejusdem Congregationis secularis juxta indigentiam uniuscujusque Domus ipsius Congregationis ab inscripto Protectore determinandus ad omnes, & sacros, ac Presbyteratus Ordines ad titulum dictae Congregationis de illius Praepositi generalis licentia, servatisque servandis promoveri valeat, concedimus.

Constituimus, & deputat Cardinalem Vicarium eiusdem Congreg.

§.7. Praeterea facultatem eligendi Praepositos Provinciales in qualibet Provincia supradictae Congregationis, & Rectores illius Domorum Clericis ipsius Congregationis impertimur, reservata Nobis pro nunc facultate Praepositum Generalem, ejusdem Congregationis una cum Assistentibus ad beneplacitum nostrum deputandi, necnon Venerabiles Fratrem nostrum Martium Episcopum Albanensem Sanctae Romanae Ecclesiae Cardinalium pro tempore quocumque existentem nostrum, & Romani Pontificis etiam pro tempore existentis in Alma Urbe praedicta Vicarium in spiritualibus generalem saepedictae Congregationis, illiusque Domorum, & personarum quarumcumque apud Nos, & Sedem Apostolicam Protectorem facimus, constituimus, & deputamus.

Scholae praedictae vicarij jubet.

§.8. Insuper Ordinariis Locorum ne in iis, quae particularem domorum, & rerum dictae Congregationis administrationem, ac personarum illius regimen, gubernium, & cor-